



Broj: 01-619/25
Sarajevo: 8. 5. 2025. godine

PREDSTAVNIČKI DOM

PARLAMENTARNE SKUPŠTINE BOSNE I HERCEGOVINE

n/r predsjedavajućeg

Šemsudin Mehmedović



PRIMLJENO: 08-05-2025			
Organizaciona jedinica	Klasifikaciona oznaka	Radni broj	Broj priloga

01-10-1-1095/25

U skladu s čl. 170. i 171. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19 i 53/22) postavljam sljedeće

**ZASTUPNIČKO PITANJE ZA
INSTITUT ZA NESTALE OSOBE BOSNE I HERCEGOVINE**

Da li Institut za nestale osobe Bosne i Hercegovine raspolaže informacijama da se na lokalitetu Retinje, između mjesnih zajednica Godijeno i Vikoč u opštini Foča, nalazi masovna grobnica?

Postoje li izjave svjedoka ili druge informacije da se na lokalitetu Retinje radi o masovnoj grobnici u kojoj su posmrtni ostaci zarobljenih Bošnjaka koji su ubijeni u jesen 1992. godine, nakon što su završili branje šljiva u selu Veselice, u mjesnoj zajednici Vikoč i da su tijela zatrpane građevinske mašine koje su dovezene za tu namjenu, a koje su prethodno iskopale jamu za grobnicu? Prema javno dostupnim informacijama na branje šljiva je iz Kazneno-popravnog doma Foča odvedeno između 35 i 60 zarobljenih Bošnjaka.

Da li je Obavještajno-sigurnosna agencija Bosne i Hercegovine u prethodnom periodu obavijestila Institut za nestale osobe Bosne i Hercegovine o saznanjima do kojih je došla operativnim radom, a posebno na osnovu izjava lokalnog stanovništva, da se, najvjerovatnije upravo na lokalitetu Retinje nalaze posmrtni ostaci Bošnjaka ubijenih 1992. godine?

Da li je Institut za nestale osobe Bosne i Hercegovine upoznat sa Odlukom Skupštine Opštine Foča od 31. marta 2025. godine, donesenom na vanrednoj sjednici, da se odlaganje otpada vrši na lokalitetu Retinje? Ako jeste, šta je Institut do sada učinio po tom pitanju?

Hoće li se 600 Bošnjaka iz opštine Foča i dalje samo voditi u administrativnim evidencijama kao „nestali“, a tijela nekih od njih biti prekrivena fočanskim otpadom?

U skladu s članom 171. st. (2) Poslovnika Predstavničkog doma odgovor u pisanoj formi mora se dostaviti u **roku od 30 dana** od dana kada je pitanje dostavljeno onome kome je upućeno.

Zakonom o parlamentarnom nadzoru („Službeni glasnik BiH“, br. 25/18) propisane su sankcije za neodgovaranje na poslanička pitanja (član 64. stav (1.) tačka a) i b) Zakona. Članom 6. ovog zakona propisano je da zastupnici provode nadzor nad radom institucija Bosne i Hercegovine postavljanjem zastupničkih pitanja, a članom 7. stav 2. istog zakona, utvrđeno je da se

parlamentarni nadzor provodi radi preventivne zaštite od zloupotrebe položaja i ovlaštenja, materijalnih i finansijskih resursa.

S poštovanjem,

ZASTUPNIK PS BiH
Šemsudin Mehmedović

A handwritten signature in black ink, consisting of a series of connected loops and a long, sweeping tail that extends downwards and to the right.